

Morning Dogri (NSD)

National News

30-03-2025

खबरां

1. प्रधानमंत्री नरेन्द्र मोदी होर अज्ज महाराष्ट्र ते छत्तीसगढ़ दे दौरे पर होडन।
2. प्रधानमंत्री होर अज्ज अपने रेडियो कार्यक्रम मन की बात राहें देश-विदेश दे लोकें कन्नै अपने बचार सांझे करडन।
3. म्यांमार च जंदे शुक्रवारें आए दे 7 इशारिया 7 दी तीव्रता आहले विनाशकारी भूंचाल करी मरोने आहलें दी गिनतरी बधिय 1 ज्हार 600 दे पार पुज्जी गई ऐ।
4. देशभरै दे मंदरें च बड्डलै-सवेले दी आरती दे कन्नै 9वें दिनें तगर चलने आहले चैत्र नरातें दे उत्सव दा अज्जै थमां शुभारंभ होई गोआ ऐ।
5. मौसम विभाग ने ओडिशा दे 6एँ जिलें च अज्ज जबरदस्त गर्मी दी चेतावनी जारी कीती ऐ।
6. आईपीएल क्रिकेट च, जंदी रातीं अहमदाबाद दे नरेन्द्र मोदी स्टेडियम च खेड्डे गोदे मैच च गुजरात टाईटन्स नै मुंबई इंडियन्स गी 36 रन्जें कन्नै हराई दित्ता।

<><><><><><>

PM-Maharashtra

प्रधानमंत्री नरेन्द्र मोदी होर अज्ज महाराष्ट्र ते छत्तीसगढ़ दे दौरे पर जा करदे न। अज्ज बडले प्रधानमंत्री होरें महाराष्ट्र च नागपुर पुज्जगंन। उत्थें ओह् समृति मंदर च दर्शन करगंन ते राष्ट्र स्वयंसेवक संघ दे संस्थापक डॉ. केशव हेगड़ेवार ते माधवराव मोलवालकर जिनेंगी गुरुजी दे नां कन्नै बी जानेआ जंदा ऐ, उनेंगी श्रद्धांजलि अर्पित करगंन। एह्दे बाद प्रधानमंत्री होर दीक्षाभूमि जाइयै डॉ. भीम राव अम्बेडकर होरें गी बी श्रद्धांजलि अर्पित करगंन। दपैहरी मगरा प्रधानमंत्री होर छत्तीसगढ़ च बिलासपुर जांगन ते उत्थें 33 ज्हार 7 सौ करोड़ रपे शा मती कीमते आली विकास परियोजनाएं दा उदघाटन करगंन ते केइएँ दा नीह पत्थर रखगंन।

<><><><><><>

PM-MKB

प्रधानमंत्री नरेन्द्र मोदी होर अज्ज म्हीने च इक बारी प्रसारत होने आले अपने रेडियो कार्यक्रम "मन की बात" राएं देश विदेश च रौहने आले श्रोताएं कन्नै बचार सांझे करगंन। अज्ज बडलै 11 बजे प्रसारत होने आले इस कार्यक्रम दी एह् 120मीं किशत होग। एह् कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एह्दे कन्नो कन्नी एह्दा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफतर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी पर मन की बात दे तुरत मगरा एह्दा इलाकाई भाषा राएं अनुवाद प्रसारत कीता जाग।

<><><><><><>

President

राष्ट्रपति द्रौपदी मुर्मू होंरें आखेआ जे पर्यावरण दा बचाह ते संभाल सिर्फ सारें दे जागरूक होने ते किट्ठे रलियै कोशश करने कन्नै मुमकिन ऐ। राष्ट्रपति होंरें एह गल्ल अज्ज नमीं दिल्ली दे विज्ञान भवन च पर्यावरण राष्ट्री सम्मेलन-2025 दा शुभारंभ करदे होई आक्खी। 2 रोजा एह सम्मेलन नैशन ग्रीन ट्रिब्यूनल आस्सेआ आयोजित कीता गेआ ऐ। मुमू होंरें आखेआ जे एह राष्ट्री नैतिक जिम्मेदारी ऐ ते अस औने आली पीढ़िएं गी साफ सुथरा पर्यावरण उपलब्ध कराना ऐ। उनें पर्यावरण संरक्षण गी ध्यान च रखदे होई कम्म करने ते जीवनशैली अपनाने आस्तै आखेआ तां जे पर्यावरण दी संभाल होई सकै।



India Myanmar Aid

विदेश मंत्रालय नै जानकारी दिक्ती ऐ जे आप्रेशन ब्रहमा तैहत भारतीय वायु सेना दे 5 जहार भूंचाल दी चपेट च आए दे म्यांमार दे यागून ते ने पेई तव च तोआरे गे न। इनें जहाजें च आपदा प्रबंधन समेयान, पैरा मैडिकल एंबुनेंस ते राष्ट्रीय आपदा बचाह दल दे कर्मी सुआर हे। एनडीआरएफ दी टीम अज्ज मांडले लेई रवाना होग। एह टीम शैहर च राहत कम्म लेई पुज्जने आली पैहली बचाह टीम होग। एहदे शा पैहले विदेश मंत्रालय दे प्रवक्ता रंणधीर जयसवाल होंरें नमीं दिल्ली च कल मीडिया आलें कन्नै गल्ल करदे होई जानकारी दिक्ती ही जे म्यांमार लेई तकरीबन 15 टन राहत समेयान यागोन पुज्जी गेआ हा। भारत म्यांमार दी राजधानी च बचाह कर्मिएं गी भेजने आला पैहला मुख् ऐ, इस मदाद कन्नै भारत दी “पड़ोसी प्रथम” आली नीति लेई प्रतिबद्धता ते वसूधैव कुटुम्बकम् दी भावना दा पता लगदा ऐ। तोआई म्यांमार च विनाशकारी भूंचाल करी मरने आलें दी गिनतरी 16 सौ दे पार पुज्जी गई ऐ। शुक्रचारें म्यांमार च 7.7 दी तीव्रता आले भूंचाल करी उत्थें बड़ा मता नुक्सान होआ ऐ। देसै च फौज दी अगुवाई आली सरकार नै इक ब्यानै च आखेआ ऐ जे भूंचाल करी हुनै तोड़ी 16 सौ 74 लोक मारे गे न जिसलै के जख्मिएं दी गिनतरी 5 जहार 408 होई गई ऐ। एहदे अलावा 139 लोक अजें लापता न। थाईलैंड दी राजधानी बैंगकॉक च भूंचाल करी 10 लोक मारे गे न ते 101 अजें बी लापता न।



Navratri

मुख् भरै दे मंदरें च बड्डलै-सवेले दी आरती दे कन्नै 9वें दिनें तगर चलने आहले चैत्र नरातें दे उत्सव दा अज्जै थमां शुभारंभ होई गेआ ऐ। एह त्यौहार देवी दुर्गा ते उं'दे 9 अवतारें दी पूजा गी समर्पित ऐ। 9वें दिनें दे इस उत्सव दा समापन भगवान राम हुंदे जन्मदिन यानि राम नौमी दे ध्याड़े पर हुंदा ऐ। आकाशवाणी दा आराधना यूट्यूब चैनल नरातें लेई अज्जै थमां 6 अप्रैल तगर विशेष कार्यक्रमें दी श्रृंखला पेश करै करदा ऐ। समारोह दा विशेष आकर्षण अनूप जलोटा, नरेन्द्र चंचल, जगजीत सिंह, हरिओम शरण, महेंद्र कपूर ते अनुराधा पौडवाल हुंदे आसेआ पेश नरातें दे भजन होउन। चैनल आसेआ देश भरै दे बक्ख-बक्ख शक्ति पीठें पर विशेष फीचर बी पेश कीते जा'रदे न।



Amit Shah

केन्द्री गृहमंत्री ते बीजेपी दे वरिष्ठ लीडर अमित शाह होर अज्ज बिहार दे पटना च राज्य सतह दे सहकारिता सम्मेलन दा उद्घाटन करगंन ते गोपालगंज च इक जनसभा गी बी संबोधत करगंन। बाद च शाह होर औने आले बिहार विधानसभा दे चुनाएं गी दिक्खदे होई पटना च एनडीए दे नेताएं कन्नै बैठक बी लांगन। अज्ज लोआए जाने आले सहकारिता सम्मेलन च 7 ज्हार शा मते प्रतिनिधिएं दे हिस्सा लैने दी मेद कीती जा'रदी ऐ, जेहदे च मुख्खे दे बक्ख-बक्ख हिस्सें गिमां बजट मंडल, सहकारिता सोसाइटां ते होरने मुत्तलका धड़ें शामिल न। एह कार्यक्रम पटना च बापू सभागार च आयोजित कीता जा'रदा ऐ। केन्द्रीय सहकारिता मंत्री होर 800 करोड़ रपे शा बद्ध कीमत आली केई विकास परियोजनाएं दा नीह पत्थर रखगंन ते केइएं दा उद्घाटन करगंन।



UP Encounter

उत्तर प्रदेश विशेष कार्यबल ते झारखंड पुलस दे सांझे अभियान च मुख्तार अंसारी गिरोह दा इक शार्पशूटर अनुज कनौजिया कल रातीं जमशेदपुर च मारेया गेआ। उत्तर प्रदेश दे विशेष कार्यबल दे अतिरिक्त महानिदेशक अमिताभ यश होरें दस्सेआ जे जमशेदपुर च कनौजिया दिएं गतिविधिएं दे बारे च विशेष खुफिया जानकारी दी बिनाह उप्पर अभियान शुरू कीता गेआ हा। इस्सै दरान कनौजिया नै सुरक्षाबलें पर गोलीबारी शुरू करी दित्ती ते सुरक्षाबलें दी परते आहली कार्रवाई च ओह मारेया गेआ। यश होरें इब्बी दस्सेआ जे 5एं ब'रें थमां फरार चलै करदे कनौजिया दी तपाश, हत्तेआ, फिरौती, जमीन हड़पने ते हथियारें दी तस्करी सने 23 आपराधिक मामलें च कीती जा'रदी ही। टाक्करे च उत्तर प्रदेश विशेष कार्यबल दे डीएसपी डी.के. शाही बी जख्मी होए न।



IMD Weather

मौसम विभाग नै देश दे उत्तर-पच्छमी हिस्सें च अज्जै थमां लेइयै 2 अप्रैल तगर बद्धोबद्ध तापमान च 5 शा 6 डिग्री सेल्सियस दा बाददा होने दी शैका जाहर कीती ऐ। पूर्वी ते प्रायद्वीपीय भारत च अगले च'ऊं दिनें दरान बद्धोबद्ध तापमान च कोई खास बदलाव नैई होग। आकाशवाणी समाचार कन्नै इस बारे च खास गल्लबात करदे होई मौसम विभाग दे वैज्ञानिक डॉ. आर.के. जेनामणि होरें दस्सेआ जे पच्छिम बंगाल ते ओडिशा दे किश इलाकें च अज्ज लू चलने दे असार न। तोआई मौसम विभाग नै मध्य प्रदेश, महाराष्ट्र ते उत्तरी कर्नाटक च औंदे मंगलवारें ते बुधवारें ऐन-गड़ा पौने दी संभावना जताई ऐ। असम ते त्रिपुरा च बक्ख-बक्ख इलाकें च कल्लै तोहड़ी मौसम गर्म ते नमीं आहला बने दा रौहग। इस्सै दरम्यान, मध्य प्रदेश, महाराष्ट्र ते उत्तरी कर्नाटक च पैहली ते 2 अप्रैल गी ऐल-गड़ा पेई सकदा ऐ। मौसम विभाग ने ओडिशा दे 6एं जिलें च अज्ज जबरदस्त गर्मी दी चेतावनी जारी कीती ऐ। अगले द'ऊं दिनें च तापमान च 2 शा 3 डिग्री सेल्सियस दा बाददा होने दी शैका ऐ। विभाग नै संबलपुर, झारसुगुड़ा, सोनपुर, बौध, बोलांगीर ते अंगुल जिलें लेई अज्ज 'येलो अलर्ट' जारी कीता ऐ। राज्य च कल संबलपुर सब्भनें शा गर्म थाहर रेया। उत्थे तापमान 42 डिग्री सेल्सियस दर्ज कीता गेआ।



IPL

आईपीएल क्रिकेट च जंदी रातीं अहमदाबाद दे नरेन्द्र मोदी स्टेडियम च खेड्डे गेदे मैच च गुजरात टाइम्स नै मुंबई इंडियन्स गी 36 रंज कन्नै हराई दित्ता। पैहले बल्लेबाजी करदे होई गुजरात टाइम्स नै तैह 20एं ओवरें च 8एं विकटें दे नुक्सान पर 196 रंज बनाए। जेहदे च साई सुदर्शन होरें 41एं गेदे च 63 रंजें दा योगदान दित्ता। मुंबई इंडियन्स आस्सेआ हार्दिक पांड्या नै 2 विकटां हासल कीतियां। परते च मुंबई इंडियन्स नै 20एं ओवरें च 6 विकटें दे नुक्सान पर छडे 160 रंज गै बनाई सकी। मुंबई इंडियन्स दी तरफा सूर्य कुमार यादव 28 गेदे च सब्बने शा मते 49 रंज बनाए। गुजरात दी तरफा मोहम्मद सिराज ते प्रसिद्ध कृष्णा नै 2-2 विकास लैतियां। अज्जै दे मकाबले च दिल्ली कैपिटल्स दा सामना सनराइजर्स हैदराबाद कन्नै विशाखापट्टनम च होग। मैच साढे 3 बजे शुरू होग। तोआई अज्ज दा दूआ मकाबला गुवाहाटी च राजसीन रॉयल्स ते चेन्नई सुपर किंग्स बशकार खेड्डेआ जाग। मैच संजा साढे 7 बजे शुरू होग।

